


#PanFoMyfyrwyrYnArwain



**PAN FO**  
**MYFYRWYR**  
**YN ARWAIN**

**Dewis etholaethau a  
dadansoddi ymgeiswyr**

# Dewis etholaethau a dadansoddi ymgeiswyr

Defnyddiwch y ddogfen briffio hon i'ch helpu chi i benderfynu yn gyntaf ble i ganolbwyntio'ch ymgyrchu ac yna i ymchwilio a dadansoddi eich ymgeiswyr seneddol - mae'r naill a'r llall yn gamau pwysig wrth gynllunio'ch ymgyrch ar gyfer yr Etholiad Cyffredinol.

## Ble dylen ni ymgyrchu?

Nid yw penderfynu ble i ymgyrchu bob amser yn syml. Mae'n bosib y bydd eich myfyrwyr yn byw mewn nifer o etholaethau, yn enwedig os oes gan eich sefydliad sawl campws neu os yw wedi'i leoli mewn ardal drefol fawr.

Ni fydd yr adnoddau sydd ar gael i chi ar gyfer ymgyrchu byth yn ddi-ddiwedd, ac mae'n bosib y bydd yn rhaid i chi flaenoriaethu meysydd lle gallwch chi gael yr effaith fwyaf.

Ystyriwch nifer y myfyrwyr mewn etholaeth benodol a'r mwyafrif sydd gan yr AS sy'n cynrychioli'r etholaeth honno wrth wneud eich penderfyniad. Po agosaf y mae'r bleidlais yn debygol o fod, y mwyaf o bŵer fydd gennych chi wrth ymgyrchu.

Ar ôl i chi wneud eich penderfyniad ar ble i ymgyrchu, rhowch wybod i ni drwy ei bostio ar [Slack](#)!

## Dolenni a gwybodaeth ddefnyddiol

- Mae gan [They work for you](#) wybodaeth am ASau cyfredol a dadleuon a gynhaliwyd yn y gorffennol.
- Mae gan Lyfrgell Tŷ'r Cyffredin [adroddiad](#) sy'n dangos maint y mwyafrif ar gyfer yr holl seddi yn dilyn etholiad 2017.
- Mae gan y *Guardian* [declyn](#) defnyddiol ar gyfer cymharu mwyafrifoedd etholaethau, a all helpu myfyrwyr sy'n byw oddi cartref i benderfynu ble i bleidleisio.

## Y cyntaf i'r felin

'Y cyntaf i'r felin' yw'r system a ddefnyddir i ethol ASau yn y DU. Mae gan bleidleiswyr bleidlais sengl ar gyfer un ymgeisydd. Yr ymgeisydd sy'n derbyn y nifer fwyaf o bleidleisiau sy'n ennill.

## Beth sy'n digwydd mewn Etholiad Cyffredinol?

Etholiad Cyffredinol yw'r cyfle i bobl ym mhob rhan o'r DU ddewis eu AS: yr unigolyn a fydd yn cynrychioli ei ardal leol (etholaeth) yn Nhŷ'r Cyffredin am y 5 mlynedd nesaf. Mae'r etholiad nesaf ar 12 Rhagfyr 2019.

## Etholaeth

Etholaeth yw'r ardal y mae AS yn cael ei ethol i'w chynrychioli. Mae 650 o etholaethau ledled y DU, pob un yn cael ei chynrychioli gan un AS.

## Pam casglu gwybodaeth am ymgeiswyr lleol?

Dylai casglu a dadansoddi gwybodaeth am ymgeiswyr fod yn un o'r camau cyntaf wrth gynllunio'ch ymgyrch Etholiad Cyffredinol.

Pam gwneud hyn?

- Datblygu syniad cliriach o bwy yw'r ymgeiswyr, eu cefndir a'u diddordebau - a pha faterion sy'n bwysig iddyn nhw. Gallwch hefyd gyfeirio ar y wybodaeth hon mewn unrhyw gyfarfodydd yn y dyfodol pan fyddwch yn cysylltu â'r ymgeisydd.
- Ceisiwch ddarganfod a ydyn nhw wedi gwneud unrhyw ddatganiadau cyhoeddus ar y materion rydych chi'n ystyried ymgyrchu arny'n nhw.
- Cadwch gofnod o'u gwefan, proffiliau rhwydweithio cymdeithasol a gwybodaeth arall ar gyfer cysylltu, er mwyn cyfeirio atynt ac ymchwilio iddynt yn y dyfodol.

## Pa wybodaeth arall ydych chi am ei chasglu?

Meddyliwch pa wybodaeth rydych chi am ei chasglu a sut y gallai fod o gymorth i chi yn eich ymgyrch.

Mae'r wybodaeth a allai fod yn ddefnyddiol yn cynnwys:

- Gwybodaeth sylfaenol am yr ymgeisydd fel enw, plaid ac etholaeth
- Gwybodaeth ar gyfer cysylltu, gan gynnwys eu gwefan, cyfeiriad e-bost, enw ar gyfer Twitter neu dudalen Facebook.
- Gallai gwybodaeth fywgraffyddol fel oedran, lleoliad a dyddiad geni fod yn ddefnyddiol, yn ogystal â'u cefndir addysg a'u hanes gwaith ac unrhyw fuddiannau eraill maent wedi'u datgan.
- Eu hanes gwleidyddol, gan gynnwys a ydyn nhw wedi bod yn gynghorydd lleol a ble, p'un a ydyn nhw wedi sefyll ar gyfer Senedd y DU o'r blaen, pryd y cawsant eu dewis yn ymgeisydd a sut.
- Unrhyw ddatganiadau perthnasol y maent wedi'u gwneud ar faterion yr ydych yn ymgyrchu arnynt, gan gynnwys ble a phryd y gwnaethant hynny.

## Ble i chwilio am wybodaeth?

Mae'r canlynol yn ffynonellau gwybodaeth da am ymgeiswyr:

- Gwefannau ymgeiswyr
- Gwefannau'r pleidiau lleol
- Proffiliau rhwydweithio cymdeithasol
- Gwefannau newyddion a phapurau-newydd lleol
- Wikipedia (dylid trin y wybodaeth hon yn ofalus a sicrhau bod sylwadau wedi'u cyfeirnododi'n gywir)
- Os ydych chi'n ymchwilio i AS cyfredol, bydd y gwefannau hyn: [They work for you](#) a [Public Whip](#) yn cynnwys gwybodaeth am eu record o siarad a phleidleisio yn Senedd San Steffan.
- Mae'r [Parliament Website](#) yn cynnwys cronfa ddata o'r holl ASau, ynghyd â rhywfaint o wybodaeth ddefnyddiol, gan gynnwys aelodaeth o bwyllgorau dethol.
- Mae [Tweetminister](#) yn cynnwys rhestr o ASau a'u cyfrifon Twitter.

### Pleidiau Gwleidyddol

Fel rheol mae dewis o sawl ymgeisydd ym mhob etholaeth, gyda llawer ohonynt yn ymgeiswyr lleol ar gyfer pleidiau gwleidyddol cenedlaethol. Gall pobl bleidleisio dros un ymgeisydd yn unig, a daw'r ymgeisydd sydd â'r nifer fwyaf o bleidleisiau yn AS.

### Record bleidleisio

Mae gwefannau *They Work for You* a *Public Whip* y cyfeiriwyd atynt uchod yn cynnwys gwybodaeth ddefnyddiol am sut y pleidleisiodd ASau ar faterion penodol, er enghraifft y bleidlais ar [ffioedd dysgu](#) yn 2011.

## Y camau nesaf

Defnyddiwch yr adnoddau yn y ddogfen briffio hon i benderfynu pa etholaethau y gallech chi gael yr effaith fwyaf drwy ymgyrchu ynddynt.

Ar ôl i chi benderfynu ar hyn, edrychwch am yr ymgeiswyr sy'n sefyll yn yr etholaethau hynny a dechreuwch gasglu gwybodaeth amdanynt.

## Cadwch mewn cysylltiad

Os oes gennych chi unrhyw gwestiynau neu os hoffech chi gael gwybodaeth bellach, cysylltwch â [policy@nus.org.uk](mailto:policy@nus.org.uk).